



Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 16/06/2022

Här President,

Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un de Premierminister weiderzeleeden.

An engem Artikel vum 100,7 "Logement: IWF mécht Lëtzebuerg konkret Proposen" vum 12. Juni 2022 gi verschidde Mesuren thematiséiert, déi den Internationale Wärfong Lëtzebuerg virschléit. Niewent luewende Wieder mächt den *Country Report No. 22/152* och op verschidden Ëmstänn opmierksam, déi en als déficitaire ugesäit. Nohuelbedarf géing et a Saache Logement, am öffentlechen Déngscht ewéi och un der Steierreform vun 2017 ginn.

An deem Zesammenhang wéilt ech dem Minister dës Froe stellen:

1. Wéi eng staatlech Stellen - Ministère, Verwaltungen, Fuerschungszentren, asw. - gi consultéiert fir esou Rapporten vun internationalen Institutiounen (IWF, OECD, etc.) auszeschaffen?
2. Wat geschitt an der Reegel mat dëse Rapporten? Gi se am Regierungsrat diskutéiert? Ginn d'Recommandatiounen un déi jeeweileg Secteuren weidergeleet? Gëtt hei fir e gewësse Suivi gesuergt?

Mat déiwem Respekt,

CLEMENT Sven

Député



www.piraten.lu